

戶部則例

漕運一

漕運三冊
俸餉二冊
鹽法二冊
關稅二冊
蠲恤二冊
雜賦二冊

戶口二冊
積貯一冊
庫藏二冊
倉庾二冊
權量二冊
錢法二冊



精鈔本乾隆戶部則例不分卷

清乾隆初年勅纂

朱絲欄精寫黃冊

二十冊

漕運三冊

俸餉三冊

鹽法三冊

關稅三冊

蠲恤三冊

雜賦三冊

戶口三冊

積貯一冊

庫藏一冊

倉廩一冊

權量三冊

錢法一冊

民國九年十月目錄課

戶部則例

漕運一

一正兌漕糧運京各省原額三百三十萬石

二十八萬石河南二十七萬石江蘇百十萬石

浙江六十萬石湖北十有二萬二千九百四

十二石七斗一升有奇湖南十有一萬七千五

十七石二斗內除永折米改徵黑豆米并節年

荒缺開墾報升不足原額外以乾隆十四年實

徵數計之山東十有三萬七千五百二十九石

五斗六升有奇○河南五萬七千五百三十八



八十四石五升有奇○安徽三十萬九千四百
二十石一斗三升有奇○江西三十五萬千四
百三十二石九斗一升有奇○浙江六十二萬
二千二百九十七石五斗七升有奇○湖北九
萬四千六百六石一斗八升有奇○湖南九萬
五千四百九十七石三斗八升四合有奇

一 改兌漕糧州運通各省原額七十萬石山東九
萬五千
六 百石河南十有一萬石江蘇九萬三千九百
五 十石安徽二十萬四千五百石江西十七萬
石浙江三萬石湖北內除永折米改徵黑豆米
湖南均無改兌米
并節年荒缺開墾報升不足原額外以乾隆十

四年實徵數計之山東五萬七千四百十六石
五斗二升有奇○河南三萬二千四十六石四
斗八升有奇○江蘇九萬二千四十四石三斗
八升有奇○安徽十有一萬九千四百三十三石
一斗三升有奇○江西十有五萬千八百二十
三石八斗三升有奇○浙江二萬九千三百六
十五石五斗有奇○以上共實徵正兌改兌米
三百二十有三萬四千六百七十五石七斗七
升有奇

一 白糧通分運各倉京○江蘇蘇松常三府太倉一州

原額十有五萬四百三十八石四斗七升除改
徵漕糧外實徵六萬九千四百四十七石糯米六萬五千六百五十九石一石○浙江嘉興湖州二
府原額六萬六千二百石除改徵漕糧外實徵
三萬五百五十三石白粳米二萬五千三百四十九石○
石共實徵白糧十萬石
一小麥運京河南正兌麥五千八十六石四斗
改兌麥三千三十三石○以上共實徵正兌改
兌麥八千一百十有九石四斗
一黑豆運京山東正兌豆六萬九百六十六石

九斗六升改兌豆二萬八千八百八十一石四
斗四升各有奇○河南正兌豆五萬六千七百
六十一石一斗五升改兌豆二萬三千四百五
十二石三斗七升各有奇○以上共實徵正兌
改兌豆十有七萬六十一石九斗四升有奇
一永折漕糧○山東七萬石每石折銀六錢八錢○河
南七萬石每石折銀六錢八錢○江蘇十萬六千四百
九十二石六斗九升每石折銀六錢七錢○安徽七萬
五千九百六十一石三斗一升每石折銀五分六錢
○湖北三萬二千五百二十石六斗每石折銀七錢○

湖南五千二百十二石五升各有奇每石折銀七錢○
以上共永折米三十六萬百八十有六石六斗
六升有奇

一灰石改折○江蘇二萬一千一百十有六石
三斗○浙江萬三千三百二十三石七斗○以
上共改折米三萬四千四百四十石遇閏加折
二千八百七十石每石連耗折銀一兩六錢八
分

一隨漕正耗隨正起運以為京通各倉耗山東
每正兌米一石加耗二斗五升每改兌米一石

加耗一斗七升隨正起交黑豆如之共耗米四
萬四千九十八石三斗八升黑豆二萬一百五
十一石五斗八升各有奇○河南每正兌米一
石加耗二斗五升二斗八升不等每改兌米一
石加耗一斗七升隨正起交小麥黑豆如之共
耗米二萬八百八十九石六升麥千八百八十
石六斗豆萬九千百八十石七升各有奇○蘇
松糧道所屬之蘇州松江常州鎮江四府並太
倉州屬每正兌米一石加耗四斗內二斗五升
隨正起交一斗五升隨船作耗每改兌米一石

加耗三斗內一斗七升隨正起交一斗三升隨
船作耗共耗米四十六萬千五百二十六石九
斗三升改常州府無○江安糧道所屬之江寧安
慶寧國池州太平廬州六府並六安州屬每正
兌米一石加耗四斗鳳陽淮安揚州潁州四府
通海泗三州屬並徐州府屬之邳宿遷睢寧三
州縣每正兌米一石加耗三斗內二斗五升隨
正起交一斗五升及五升不等隨船作耗又徐
州府屬之銅山豐沛蕭碭山五縣每正兌米一
石加耗二斗五升皆隨正起交江寧廬州二府

廣德州屬每改兌米一石加耗三斗鳳陽淮安
揚州潁州四府通海泗三州屬並徐州府屬之
邳宿三州縣每改兌米一石加耗二斗五升又徐
州府屬之銅山豐沛蕭碭山五縣每改兌米一石
加耗二斗二升內一斗七升隨正起交一斗三
升及八升五升不等隨船作耗共耗米十有四
萬千二百三十二石四斗三升有奇徽州府並
滁州
屬無正兌改兌米廣德州無正兌米安慶池州
太平寧國四府並六安州及徐州府屬之睢寧
縣均無○江西每正兌改兌米一石加耗四斗
內二斗五升一斗七升隨正起交一斗五升二

斗三升。隨船作耗共耗米二十萬千三百二石
六斗九升有奇。○浙江每正兌改兌米一石加
耗四斗內二斗五升一斗七升。隨正起交一斗
五升二斗三升。隨船作耗共耗米二十六萬六
百六十五石二斗二升。○湖北每正兌正米一
石加耗四斗內二斗五升。隨正起交一斗五升。
隨船作耗共耗米三萬七千八百四十二石四
斗七升二合有奇。○湖南每正兌正米一石加
耗四斗內二斗五升。隨正起交一斗五升。隨船
作耗共耗米三萬八千一百九十八石九斗五

升三合有奇。

湖北湖南均無改兌米

以上共實徵漕糧耗

米百二十萬五千七百五十六石一斗七升六

合。麥千八百八十石六斗。黑豆三萬九千三百

三十一石六斗五升七合三勺。各有奇。○正兌

米麥豆每石交倉耗米二斗五升內除運通運

京共耗二斗一升二合。詳見餘給運軍回空食

米三升八合。改兌米麥豆每石交倉耗米一斗

七升內除運通運京共耗一斗三升二合。詳見

餘給運軍回空食米三升八合。○雍正元年奏

準各幫運弁運軍有在倉交剩三升八合餘米

本軍如有舊欠照數全扣本幫有欠三七扣留
節年皆有舊欠將扣留之米按年分銷如願賣
與別幫抵欠即於冊內開晰米數如抵賣之外
再有餘剩粳米每石作價七錢秬米每石六錢
粟米每石五錢動用茶果銀給與運軍顆粒不
許出倉如茶果銀不敷即於通濟庫銀內動用
給發所有餘米通行留倉作正支放○四年題
準運軍應得餘米或本幫有欠抵補本幫或別
幫有欠賣補別幫賣抵之外仍有餘米準令經
紀車戶買抵掣欠至尾幫有願赴坐糧廳領價

者仍照例給發○乾隆三年題準各省糧船抵
通起卸如有不足不準買餘米抵補即照例叅
處着賠其失風失火等船一時沉失事出意外
準其照例買抵○七年奏準漕船抵通起卸完
日驗明飯米缺乏之幫將應得每石三升八合
餘米三分交倉給銀七分給米以濟回空之用
一隨漕輕齎易銀每正兌米一石山東河南又
徵耗米一斗六升謂之一六輕齎江蘇安徽二
斗六升謂之二六輕齎江西浙江湖北湖南三
斗六升謂之三六輕齎每斗折徵銀五分又江

蘇安徽江西浙江每改兌米一石又徵耗米二升謂之二升易米折銀每升折徵銀五釐均解倉場通濟庫山東河南並江蘇徐州府屬之銅山豐沛蕭碭山五縣改兌米均無銀之項折各省漕船到通除山東河南路近不給易米項折置夫銀外其江蘇安徽江西浙江湖北湖南六省漕糧按實起過壩正米覈算每石給置夫銀一分又按到通漕船實數山東河南每船給羨餘銀一兩江蘇安徽每船二兩江西浙江湖北湖南每船四兩凡有挂欠漕糧者按所欠米數以通幫置羨銀均派扣除其中途失風漂沒損

壞不到通者按船扣除○順治十七年題準應給置夫羨餘銀務令運官親到坐糧廳唱名給發如有買照代領情弊即行叅究○康熙五年議準輕齋等銀例應先漕解通以濟運務令各省巡撫就近督催糧道依期完解如有遲悞聽倉場侍郎題叅○四十七年題準嗣後各省額解輕齋銀兩山東河南湖廣江西浙江五省及江南江安糧道所屬解貯通濟庫應用蘇松糧道所屬輕齋銀兩解交部庫如倉場不敷應用咨部支發○六十年題準蘇松糧道所屬額解

部庫之輕齎銀十三萬兩仍分撥五萬兩解通濟庫備用其餘均解部庫○乾隆二年奏準江西漕船每船例給羨餘銀四兩惟九江前後兩幫從前運送京口糧船並不到通向照江蘇之例每船止給羨餘銀二兩今既運通交卸照依該省定例每船給銀四兩○三年議準江浙二省白糧改徵漕糧每年到通之時量羨脚抗等項悉照漕糧例辦理○又咨準山東自備船應領量羨等銀於具領之日坐糧廳設一印票填明銀數連銀封固給發回衛時將銀票並呈各

衛所驗明按名勻給仍取其領狀與原發印票一同申繳送部察覈如有侵扣隱蝕詳革究追○又咨準買補及雇募船停給量羨等銀其山東運軍自備雇募船與各省風火失事買補雇募不同仍準照舊給與羨餘等銀○五年覆準湖南起解輕齎銀兩需用盤費等項向於該省公捐備用銀內給發今公捐停止應將起解輕齎需用盤費等項於地丁額編解費銀內動給○九年奏準欠米漕船例將副軍回空食米起作正項回空未免拮据嗣後將運軍應得量羨

等銀全給副軍以資回空之費如運軍不能交納茶果行南北追於次年附解交通○十年咨準量羨餘米等銀例係按照到通船數米數覈給其中途截留漕船槩不準支至抵壩之後派撥轉運各船應交茶果銀又經照數交納通濟庫其量羨餘米等銀準照到通之例辦理

一隨漕席木板竹每正兌改兌漕糧二石山東河南徵長席一領縱六尺四寸廣三尺六寸江蘇安徽江西浙江湖北湖南徵方席一領縱廣

皆四尺八寸其應改折色者每領徵銀一分應解本色者山東河南及江安糧道所屬各府州屬均徵本色席片給運軍解交蘇松糧道所屬各府州並江西浙江湖北湖南均徵銀給運軍辦買赴通交納○又江安糧道所屬之安寧池太各府蘇松糧道所屬之蘇松常鎮太倉州江西浙江湖北湖南每正兌正米二千石徵楞木一根長一丈四尺九寸圍圓二尺五分松板九片濶一尺三寸五分厚五寸五分其改徵折色者每楞木一根徵銀五錢至五錢五分松板一

片徵銀四錢。至四錢五分。各不等。

山東河南及

屬之廬鳳淮揚徐穎各府六安泗海通

各州正兌改兌米均不徵楞木松板

蘇安徽江西浙江湖北湖南糧艘到通。每船帶

大竹一根。中竹三根。蘇松糧道所屬各府州大

竹長二丈一二尺。圍圓一尺一二寸。每根價銀

二錢四分。中竹長一丈一二尺。圍圓六七寸。每

根價銀一錢二分。江安糧道所屬安寧池太淮

五府廣泗二州大竹長三丈五尺。圍圓一尺八

寸。至長一丈二尺。圍圓八寸。每根價銀一錢五

六分。至五六分不等。中竹長一丈六七尺。圍圓

一尺二寸。至長一丈。圍圓四寸。每根價銀一錢

二分。至八釐不等。江寧府及海通二州毛竹向

無定價。悉照時價造報。江西大竹長二丈。中徑

五寸。每根價銀六分。中竹長一丈二尺。中徑二

寸。每根價銀五分。湖北湖南大竹長二丈。中徑

五寸。每根價銀。湖北一錢。湖南九分。中竹長一

丈二尺。中徑二寸。每根價銀。湖北八分。湖南六

分。○順治十三年題準。各省隨漕帶運本色席

片板木。倉場侍郎查明。隨糧完欠。造冊按年奏

銷。○又題準。席片板木。各有長短濶狹尺寸。隨

糧解交。務照定式不許短少充數。亦不得濫收
濫罰。致滋弊竇。○十五年題準。楞木松板。向解
交京糧廳收納。今京糧廳既裁。改歸大通橋監
督交納。○又題準。正兌米。例進京倉。應解楞木
松板。改撥通倉。即照改通米數。扣留板木。以供
鋪墊。或有河兌。其板木仍於大通橋交納。○十
七年題準。席片板木。以供倉廩鋪墊。如運升挂
欠不完。總漕倉場侍郎。限年追補。雖漕糧全完。
不準議叙。○康熙二十五年題準。各省應徵隨
漕席片。舊例係三分本色。七分析色。嗣後將三

分本色內。再改折五釐。○雍正四年題準。各省
應徵楞木松板。舊例係三分本色。七分析色。江
安寧池太各府州屬。將應徵本色。徵給運軍。蘇
松常鎮四府。太倉一州。浙江江西湖北湖南各
府州屬。將應徵本色。徵銀給運軍辦交。嗣後將
松板全解本色。楞木改徵松板。亦全解本色。○
八年

諭
向因鋪墊倉廩。需用松板。令各省糧船隨帶。到倉交
納。續經該部定議。產木之省。如江西湖廣。及江安糧
道所屬地方。則全解十分本色。其不產木之浙江蘇

松等屬則解三分本色七折色此便民利用之意也乃朕聞該地方所交三分本色亦於抵通之時始行採辦以致通州木商與胥役勾通包攬每板一片用銀至二兩餘或一兩七八錢不等較折色之數多至四五倍運軍不免苦累今京通各倉一年支放俸米甲米空出廩座應鋪墊百五十餘座其湖廣江西安徽三省所解松板已足備用即有應需採辦者諒亦無多所有不產木之浙江及蘇松等屬應解三分本色松板二千五百四十片著改徵折色令各該糧道彙解通濟庫以備採辦之用其湖廣江西安徽等

處全解十分本色者著倉場侍郎嚴加稽察不許收板官吏勒索使費俟各倉廩鋪墊完日將應徵本色若干具奏請旨特諭○又奏準山東河南二省派徵長席江南江西浙江湖廣派徵方席每米二石徵席一領以二分五釐徵本色付運軍交倉以七分五釐徵折色起解其應交本色席片均以茶席二領作為長席方席一領見今遵行但各倉所用席片每年多有餘剩自當酌量裁減以一分七釐扣算徵收本色起運其所減八釐併入折色之內總以八分三釐計算徵收折色附

解○十二年奏準江南江西浙江湖廣各省糧船運通舊例每船運軍自備大竹二根中竹十根解交各倉編造氣筒嗣後每船大竹仍帶二根中竹減去四根止帶六根○乾隆二年奏準每船再減中竹二根只帶大竹二根中竹四根給以價值於各道庫先期給發以便採辦○三年奏準糧船隨帶席板毛竹向例於抵通交米後雇車運送到倉經由大通橋查驗各軍雇費艱難應令各幫於起米之後將板木席竹在東嶽廟堆卸坐糧廳督令經紀雇車改從陸路運

送由石道至朝陽門不由大通橋經過監督於朝陽門隨到隨驗進倉中途遺失短少責令經紀賠補仍嚴禁經紀不得借端勒索其應投橋倉文冊各弁軍俟經紀知照起車之日自赴投遞掣獲倉收○五年奏準江南江安各屬隨漕席片例係州縣備辦本色交軍因各州縣從前私自折交以致運軍借端勒索嗣後辦交本色毋許折銀運軍毋得勒索倘有前弊嚴行叅究○六年奏準見存木板足敷四五年之用似當酌量停減江西湖廣產木之鄉每年應徵之數

改徵折色一半。其江安所屬每年應解松板全數改徵折色。彙解通濟庫。俟將來別有需用。隨時酌辦。○又奏準。毛竹逐歲陳積。不無朽裂。應再減二根。每船各帶大竹一根。中竹三根。○十二年議準。河南省隨漕應辦一分七釐本色席片。向無徵款。係運軍自辦交倉。今酌定應交本色席片銀於節省耗羨銀內動支。隨漕交軍。赴通交納。

一官軍行糧。○山東河南領運千總於廩俸外兼支行糧二石四斗。運軍每名行糧二石四斗。

月糧九石六斗。江南蘇松糧道所屬之蘇州太倉鎮海金山松江五衛千總不支行糧。運軍每名行糧三石。月糧九石六斗。鎮江衛千總不支行糧。運軍每名行糧二石九斗七升五合。月糧九石五斗四合。江安糧道所屬之江淮興武泗州等衛并廬州衛二幫三幫。大河衛二幫三幫。揚州衛頭幫儀徵幫。領運千總於俸廩外兼支行糧三石。運軍每名行糧三石。月糧十二石。安慶新安宣州建陽宿州鳳陽長淮淮安滁州徐州并廬州衛頭幫大

河衛前幫揚州衛二幫三幫四幫等衛幫領
運千總於俸廩外各照本衛兼支行糧運軍
每名行糧二石四斗。二石六斗。二石八斗。三
石不等。月糧八石。九石。九石九斗。十二石不
等。浙江各衛千總於廩俸外兼支行糧三石。
運丁每名行糧三石。月糧九石六斗。○以上
均本折各半。○江西各衛千總於廩俸外兼支
行糧三石。運軍每名行糧三石。月糧九石六
斗。湖北湖南各衛千總於廩俸外兼支行糧
三石。運軍每名行糧三石。月糧九石六斗。○

以上均折銀徵給。○順治初定直隸通津等
衛今改通津所協運豫省漕糧通州所月糧
向係部撥本色今半本在中南倉支給半折
每石折價八錢赴坐糧廳支領天津所月糧
向在天津倉全支本色今改在河南糧道本
折均平支給。○三年議準行月二糧載入全
單務同漕糧並兌如正糧已完而行月不給
者官以誤漕叅處吏以侵剋究罪。○九年題
準額徵南屯二米原編給運軍安家月糧順
治二年因兵馬雲集漕運未定將南糧改充

兵餉。今漕運復舊。月糧失額。應將漕項歸漕。南米先盡支給運軍。餘剩米留充該省兵米。○十年題準。官軍行糧。務派見兌水次。不足方派貼鄰州縣。運船一到。如數給發。如有違誤。過期及遠派。隔府隔縣者。總漕題叅重處。○十一年

恩詔。運糧官軍月糧。各地方本折不等。多有偏枯之弊。著漕督通行籌酌具奏。務令本折均平。以恤運軍。欽此。○十二年題準。運軍行月糧。向例扣除三月折銀解京。以防挂欠。嗣後將全數給軍。毋得扣

留短發。致累弁軍。○又題準。浙江行糧。舊例全支本色。派於杭嘉湖三府屬。月糧本折不等。派于通省十一府。今本折均平。除半本照支外。折色行糧。每石定價一兩二錢。折色月糧。每石定價一兩。○十三年題準。山東衛所行月。舊例原係全支本色。今本折均平。兗濟二屬。仍於舊編州縣。本折均派各半。東昌三衛。原編本色。仍歸漕用折色銀內。每石定價八錢。河南領運官軍。例係直隸山東江北幫船協運。月糧向於本處地方支領。行糧於臨德諸倉支領。惟臨清後幫。

平山前後二幫。行糧在於河南全支本色。今改給本折。每石定價八錢。不敷之銀於清理人丁銀內撥補。江南蘇州太倉鎮海三衛及金山松江二衛所。舊例行糧全支本色。月糧全支折色。今行月二糧。改為本折各半。蘇太鎮三衛。每石原折銀五錢。今半折行糧。每石一兩二錢。半折月糧。每石一兩。於屯糧充餉。及軍儲扣充兵局二糧內湊支。金松二衛所。每石原折銀一兩。今半折行糧。每石一兩二錢。減米徵銀。半折月糧。照依原折。每石一兩。編徵支給。鎮江衛。舊例行

糧全支本色。月糧全支。麥折。每石原折銀三錢五分。今行月二糧。改為本折各半。半折行糧。每石八錢。減米徵銀。半折月糧。每石酌改五錢。編徵支給。安徽寧太四府所屬安慶新安宣州建陽四衛。舊例行月本折不等。今本折均平。行糧每石折銀一兩二錢。月糧每石折銀一兩。安慶衛行月本色。除將萬億安糧二項。盡數支給。不敷之米。於懷寧桐城等縣南糧米內找支。行月折色。除撥給屯糧操餉新墾等銀。尚不敷銀兩。於皖屬縣衛成熟田地編徵。新安宣州建陽三

衛一半本色。在原派徽寧太三府屬南米內支給。不敷折色。亦於民屯田畝內扣徵。淮安大河邳州泗州等衛。舊例行糧坐派淮倉。月糧在於濟漕四稅。及屯糧內支給。均係全支折色。今行糧於解倉折色內分出半本半折。月糧原在屯糧支給者。照例改為半本。其在四稅項下應支半本。每石給銀八錢。於各衛所減存銀內。通融支給。半折仍照舊額支給。壽州衛。改并長淮衛。武平衛。改并宿州衛。行糧坐派徐州倉德州倉支領。月糧坐派鳳常二府屬。並江安道庫。及所

屬鳳倉項下支領。舊例全係折色。今改徵一半本色。其一半折色。原係三四五錢者。仍舊支領。江寧衛行糧。舊例全支本色。月糧本折各半。折色每石五錢。今本折均平。除一半本色照支。其一半折色。行糧每石折銀一兩二錢。月糧每石折銀一兩。江西行月。向例全支折色。行糧每石折銀五錢。月糧每石折銀四錢。今不分本折。每石增銀一錢。行糧改給六錢。月糧改給五錢。於過湖屯糧倉米等項銀內。裒增。○又題準江南上江各府所派本色月糧。照依時價徵銀。赴省

買米給軍。○十五年題準。江西加增不敷行月。無款可動。每船原設一軍九散十散十一散者。槩作一軍九散。即以扣除軍散行月。抵補加增。尚不敷。加增銀。於屯田籽粒內。每石加增銀一錢。以敷支給。○又題準。江南揚州府屬各衛幫。行糧。坐派淮倉。向係全支折色。每石折銀四錢。月糧。係在揚屬並蘇松常鎮協濟米折銀內動支。每石徵銀六錢三錢。給運軍三錢。給操軍。今行糧於淮倉項下。改徵半本。月糧於原給運軍三錢之內。分出半本半折。本色月糧。額派蘇松

鎮三屬。並揚通二屬支領。折色月糧。額派蘇松者。聽蘇松糧道派給。其派鎮揚通三屬者。解江安糧道支給。○又題準。浙江行月二糧。本折各半。除行糧每石一兩二錢。已足支用外。月糧每石。原議一兩之內。扣補兵餉三錢。仍折運軍七錢。○又題準。山東衛所。本折行月。酌量地方遠近。派徵所有原編本色麥米之歷城等二十五處。并原編折色麥米之濟陽等二十六處。均係臨河州縣。一例派徵本色給軍。其原編折色之鄒平等十一處。又原無額編漕項之新泰等十

三處皆離水次。寫遠照例派徵折色。每石折價八錢。○又題準。運軍月糧。有閏之年。按月本折均平支給。○十八年題準。江寧衛月糧。每石扣銀三錢。給銀七錢。其加增折色銀。於嘉定等縣漕折加徵。並草場首管裁省工食銀內支給。○康熙五年題準。江西漕船缺額。一時不能補足。勢必雇船裝運。每石給銀四錢。今軍船於原派一淺之外。加載糧米。照給行月。每石止給銀一錢六分五釐。較雇船水脚。節省甚多。實屬經久可行。○七年咨準。徐州衛河南幫。今分徐州衛

河南前後二幫。協運河南漕糧。行月二糧。向在徐倉支給。行糧折色。每石四錢。月糧折色。每石三錢。今行月折色。每石應改給銀八錢。○九年議準。河南應解臨清德州二倉。運軍行月。改解糧道衙門。隨糧支放。所有德左任城平山天津等幫。行月二糧。及通州幫行糧。均改赴河南糧道。照依本折兼支。其臨清衛一半行月糧。仍在臨清倉支給。江北各幫。行月二糧。仍在淮徐鳳三倉支給。○十年題準。浙江寧紹等八府。一半月糧本色。照灰石折漕。定價一兩二錢。徵給運

軍。杭嘉湖三府屬州縣。仍徵本色支給。○十五年議準。江南壽州武平二衛。改并長淮宿州二衛。月糧。原派河南省屬者。改歸鳳陽倉支領。○又題準。江南江寧衛。行月糧。本折。統歸江安糧道管理。○十六年咨準。各省運軍月糧。遇閏。一例停止。○十八年題準。山東。河南。浙江。及江南。江寧。鳳陽等衛。運軍月糧。遇閏。照舊支給。○二十一年題準。行月糧。務當堂按名支領。若不照數給發。糧道揭報漕運總督。指名題叅。○二十四年題準。臨清倉額徵米麥。除將臨清濟寧二

處。仍徵本色。其餘米麥。折徵解倉。運軍月糧。將麥折銀支給。○二十五年咨準。蘇松等衛。閏月錢糧。乃計口授食。全書額編之款。各軍春出冬回。多此一月。難以枵腹。此項閏月月糧。應仍準支給。○又題準。各省運軍名數。參差不齊。江浙二省。每船十一二軍不等。應畫一裁扣。每船槩以十軍配運。按名支給行月。○二十六年議準。山東德州等衛。自雇民船裝運漕糧。應領行月糧。均照軍船例支給。○又題準。山東濟兗二屬額解德州常豐二倉本色米。就近兌支各營兵

米衛所行月。在額解德州倉麥內動支。○二十七年題準。江南行月減存等項錢糧。舊例解貯淮庫。嗣後照山東江西浙江湖廣之例。徑解蘇松江安糧道支用。餘者解部。○二十八年題準。江南江寧衛應支一半本色月糧。內有徽寧池滁廣和等府州縣。不通水道。每石折徵銀八錢。解交道庫支給。○又題準。行月等項錢糧。設立易知小單。列明應給各數。每軍各給一張。如有官役扣剋需索。許本軍於單內開明情由。於過淮時陳控。審實題叅治罪。○三十年題準。徐鳳

三倉米麥豆。照漕折定例折徵。米每石折銀九錢。麥每石折銀五錢。各衛幫有於三倉應支全色米麥者。均照折徵定價。於江安糧道庫支給。○三十一年咨準。江南江興二衛。各幫運軍。應支行月銀米。原係計口授食之需。遇有閏月。於減存銀米內給發。與他省他衛不同。所有三十年閏七月銀米。準於減存銀米內動給。○三十三年題準。行月二糧。均係冬兌時。給發各軍。料理運務。勢難分赴支領。令將一幫行月。就近歸於一處給發。○三十四年題準。安慶衛運軍。舊

例係按漕用軍。按名派給行月。原與別衛不同。二十五年畫一裁減。每船只用十軍。則倍載漕糧。理應按糧計船。補造足額。與其徒費帑金。以充漕造。莫若循照舊章。實為節省。嗣後應仍準其按糧支給。○又議準。江西缺額漕船。原撥江南減船協運。仍支江南行月錢糧。嗣將江南協船停運。原運米于江西軍船。加添載運。亦應按米計算。每石給銀一錢六分五釐。永為定例。○四十一年題準。江南江淮興武二衛。無贍運屯田。原減駕軍二名。準其照舊復設。○雍正元年

覆準。各省運船到次。本色行月。定限三日內。照額給發。折色銀兩。解道驗明。一半給軍開船。一半封固。糧道隨帶到淮。總漕監發。各軍收領。如本色給發。愆期折色解送。遲延照誤漕例。題參議處。○二年題準。隨漕行月銀。由衛守備出具印領。交與領運千總。加具戳記。赴道投遞。照額給發。仍取該衛並無預借印結。申送總漕察覈。○又題準。各省漕船停運。舊例月糧全給運軍。嗣後減半給發。○四年議準。江南徐州幫協運河南百有六船。分為前後兩幫。派定前幫。在江

南支行糧二十船。在河南支行糧三十三船。後幫在江南支行糧二十一船。在河南支行糧三十二船。○五年題準。運軍月糧。山東浙江蘇松所屬之蘇太等衛。遇閏各有額編加徵銀。江安所屬江興等衛。無額編加徵銀。遇閏之年。於道庫減存銀內動支。江西湖北湖南。係按出運船米數目支給。並無加增。河南亦無額編加徵銀。遇閏之年。向來均照山東等省一例支給。康熙五十四年以後。經部駁追。嗣後仍準其照舊支銷。○六年題準。運船減歇。給與一半月糧。民船

減歇減半之中。再減半支給。○十年議準。上下兩江每年應徵行月糧。定限十月內完解。十分之六。解不足數。州縣官罰俸六月。勒限三月催完。如仍徵解不全。再行咨叅。罰俸一年。○十二年議準。宿州二幫。每船加添本折行糧二石。月糧二十四石。行糧在德州請支。月糧在江安糧道庫鳳倉項下支給。○十三年咨準。江南徐州幫。協運河南糧船。因該幫運軍有正衛并衛之別。每年兩幫找算分給不清。應將徐州前幫內派四十一船。在江安支領行糧。其餘十二船。并

後幫五十三船。均在豫省支領行糧。○又題準。江南淮揚海邳各府州屬。應徵月糧。例於次年徵解。各幫例應本年支領。向在道庫減存銀內通融給發。其太平廬州等府州屬。預徵行月糧。應照淮屬。於起運之年開徵。先於道庫減存銀內動給。按年徵解還項。○乾隆元年題準。各省停運漕船。應給減半月糧。均應酌定款項。支本支折。庶免辦理參差。湖北湖南。本折各半。折色。照該省定價。每石折銀四錢。於漕項內支給。本色。於減存貼贈。二耗米內動支。倘無本色米可

支。即照該省定價四錢折給。○四年奏準。湖北湖南行月本折。每石向係折價四錢。因該省為產米之鄉。當年米價平賤。是以定價較少。近年該省米價。迥非昔比。一槩折給四錢。實屬偏枯。嗣後將一半折色。仍照舊例折給。其一半本色。照兵糧例。湖北每石七錢。湖南每石六錢。於解道隨漕銀內支給。○又題準。浙江本色行糧。照出運船數。每船給食米十有五石外。其餘支剩之米。每石折銀一兩二錢。解部。向均隨漕十月開徵。嗣後將應支本色行糧。照常年出運船數。

隨漕開徵其餘支剩折色銀兩并入地漕。二月
統徵設遇出運增船一艘於折色銀內支銀十
八兩買米給軍減船一艘於本色米內支米十
五石易銀彙解。○五年題準各省漕船每至回
空資斧闕乏不能及時抵次有誤新漕應令江
浙江廣等省於解淮驗給一半行月糧內多者
扣留三分之一少者扣銀八兩令各糧道另封
於過淮時送總漕驗發運弁及隨弁收受俟抵
通交糧後給發各軍以資回空之用。山東扣銀
三十兩封交運官沿途遇有支用之處稟明支

用。河南扣銀十兩以作回空之資。○六年題準江
南揚州衛頭幫儀徵衛幫向在蘇屬實徵揚倉項下
找支月糧銀米為數不敷支給大河衛二三幫淮安
衛頭二幫泗州衛長淮衛各幫向在常鎮二屬實徵
揚鎮等倉項下找支行月銀米除支給外每年存剩
數目盡數支給前項本折應將各幫統歸蘇松糧道
一處支給至大河衛前幫及輪兌淮糧一幫揚州衛
二三四幫既兌淮揚二屬漕糧應支行月本折應統
歸江安糧道於額編減存銀淮屬山鹽阜三縣實徵
月糧米夏麥改米揚通屬實徵月糧米并淮屬餘存

米內通融撥給其餘各幫本折行月均照舊例遵行
江安糧道協運蘇松道白糧負重銀例係蘇松糧道
支給至協運漕糧負重銀轉赴江安糧道支領例未
畫一應將協運蘇松漕船負重銀統歸蘇松糧道於
減存項下照數給發江安糧道毋庸按數解交徑
造入季報冊內送部酌撥○又議準江南江寧衛
各幫分運江寧及蘇松等屬漕米行糧月糧向係
江安蘇松兩糧道互相派給應將兌運江屬漕糧
行月安家加給折色等項歸江安糧道派給其兌
運蘇松常鎮漕糧每船安家月糧四十八石預支

月糧銀三十六兩原在上江州縣屯衛屯糧及租
銀裁扣內動支亦應歸江安糧道派給惟行糧并
水手米共四十二石加給行月折色銀共三十六
兩既在蘇松常鎮四府南糧及嘉定等縣加漕內
動支應歸蘇松糧道派給總以兌糧州縣水次就
近派支不敷方於鄰邑協撥○又題準江南江安
宿鳳長徐等衛月糧例在徐鳳淮三倉全支折色
外其江淮興武安慶新安宣州建陽等衛幫廬州
衛頭二三幫長淮衛三四兩幫宿州衛頭幫揚州
衛頭二三四幫儀徵衛幫滁州衛蘇州幫凡遇截

留停運船應支減半月糧照例本折均平分別支給倘再將給軍本色動款折銀應徵本色易銀解道照例題叅如因灾緩停運所需減船半本月糧不敷支給將上年額徵行月餘剩米通融撥補俟下年照數徵收還項江蘇各衛幫截留停運船應給減半月糧本折均支浙江停運漕船應支減月糧寧紹等八府幫船並無本色仍照舊例支給折色杭嘉湖三府本折各半均平支發江西並無本色遇有截留停運漕船按裝載一淺計算於月糧內減半給銀二十四兩山東遇有停運減歇之

年淺船減半月糧自備丁船四分之一月糧本折均平覈給如本年隨漕米遇災減緩照江安餘剩米內動支之款一體辦理○七年題準各省停運漕船應給減半月糧定例由總漕覈明應給之數具題戶部覈明覆準然後給發乃各省相沿有請先給後題者嗣後仍照舊例辦理○又題準各省帶運緩漕負重銀例與行月等項一體支給惟山東向係先題後給嗣後照行月之例及時支給造入奏銷具題○九年奏準淮放銀除重運二分發交運弁散給各軍外其

回空一分。即交督運之同知通判等官。收帶到通。於各幫起米後。面同隨幫散給各軍。仍將給過日期。在倉場等衙門報數。○又奏準。淮放扣留回空銀。交督運同知通判。收帶到通。散給各幫。事屬難行。嗣後令總漕。交與領運隨幫二弁。收帶。俟漕船抵通之日。報明坐糧廳。於驗米時。按船照數給發。仍將給銀日期。報部察覈。倘有先行給軍。及沿途私自那移者。倉場侍郎。察明題參。○十一年議準。江西淮放銀。交押運丞。倅帶至淮安驗放。江安蘇松浙江淮放銀。令糧道

兌準。封給領運千總。賫解赴淮。呈報總漕。驗給

○十三年議準。江南江興二衛裁減漕船。應得行月銀米。分給存運各船。每船加給行月米七石二斗七升九合。銀十有一兩三分三釐九毫。

○又議準。滁州衛蘇州幫行月米。舊在六安州屬。支領米七百二十三石五斗有奇。因水陸遠道難支。將江興三八兩幫裁船。行月米六百五十二石三斗二升。撥抵該幫行月不敷米七十餘石。於附近州縣額徵減存米內撥補。

一贈貼銀米。各省漕糧。舊係軍民交兌。運軍需

索。多為民累。後改為官收官兌。因酌定贈貼。隨漕徵給。各省名目不同。多寡不一。山東河南謂之潤耗。江蘇安徽謂之漕贈。浙江謂之漕截。江西湖北湖南謂之貼運。山東河南及江安糧道所屬。每米百石。徵給銀五兩。米五石。蘇松糧道所屬。每米百石。徵銀十兩。米五石。浙江每石徵銀三錢四分七釐。江西每石徵銀三分。徵米三升。又徵給副耗米一斗三升。湖北湖南無加贈銀米。於四耗之外。加耗二升。隨糧徵給。○康熙九年題準。漕糧贈耗銀米。刊刻易知由單。隨漕

徵給。催徵各官。不得私派那移。違者糾叅。○二十九年題準。河南漕糧。向以山東等省漕船協運。自康熙二十二年改折之後。各船有撤回本省者。亦有年久沉溺。底板變價解部者。見在闕少漕船。令各軍暫行雇募裝運。給以腳價。行月錢糧。并潤耗銀米。扣除解部。○四十六年題準。仍將潤耗銀五分。米五升。照數給軍。○乾隆元年咨準。江蘇溧陽縣漕糧。派兌江淮衛三六兩幫。每石民貼湖米三升。以為漕船赴次駁淺修船之用。原係舊例。勒石遵循。○三年題準。浙江

杭嘉湖三府漕糧有貼贈一項每石徵八九色銀三錢四分七釐名曰漕截按數給軍濟運又每兩加耗二分雍正八年奏明抵給運弁養廉例于每年十月開徵勒限兩月全完為期甚迫今酌定正耗通扣攤算總計正耗一兩以九錢八分給軍以二分解司為運弁養廉每年於二月徵收秋後先盡漕截九八折淨之數以紋銀給發倘有額外加耗及缺悞扣剋情弊即行揭叅○又題準浙省漕糧項下有灰石一項白糧項下有食米折銀一項向係解道同漕截並徵今

漕截正耗統徵分解并改期開徵嗣後亦同漕截一體派徵將灰石及食米折銀徵收足色解部其耗羨并入地漕項下解司○四年題準江南上下兩江額徵漕糧漕項外有漕費銀米一項係里民願輸以為州縣修倉及運軍募雇擔夫駁船之用今酌定上江漕米每石收耗米一斗以五升給軍以五升留給州縣下江漕米每石收銀六分折錢五十二文以二十七文給軍二十五文留給州縣外收水脚錢五文水次離倉遠者每十里加錢二文其餘陋規盡行革除

責令監兌各官嚴察如運軍額外需索即計贓以枉法論州縣額外多收照因公科斂律治罪○又題準江南江蘇所屬錢價增長漕費錢每石減去六文祇收錢四十六文以二十四文給軍二十二文留縣概令州縣隨時出易毋得堆積至兌漕時將銀給軍以三分為率有餘不足統於留縣銀內通融酌補錢價消長無常督撫隨時損益辦理○七年

諭前據漕運總督奏江南漕米耗贈請免停支一案朕交大學士會同該部議奏前據議稱停支之例

相沿有年應仍照浙省之例辦理今該督摺奏浙江與江南情事不同江省此項始以軍興而議裁繼以欠糧而議復自復之後三十餘年見在全支尚多拮据若行裁減則軍力既絀轉運維艱等語運軍輓運辦公朕所軫念此漕耗一項既有歷年支領之成規著照舊支領永免停支俾軍力寬紓轉漕無悞他省亦不得援以為例○又題準江南上江潛山等二十州縣離次遙遠漕米輓運維艱需費浩繁向於酌定漕費米外每石加收水脚銀二三分至五六分錢十餘文至四十餘文

不等定遠縣收錢百文。準其照舊徵收。○又題
準浙省漕糧改兌米。應支漕截銀例。應按照抵
壩起交一七米數給發。因該省誤照正兌之例。
按照二五之數支給。今改正。照一七之數支給。
○又題準漕截銀兩。每兩只應徵火耗二分。白
糧項下。每完糙米一斗。應徵耗米三升。向係攤
算應徵數內徵收。嗣因各項銀米歸於地丁。統
徵分解。內有將耗銀耗米。照依地丁一例徵耗
者。應令有漕各屬。於隔歲年底。刊刻易知由單。
地丁加耗若干。白糧加耗若干。漕截加耗若干。

其有均攤勻扣於單內。逐一註明。該戶照單
完納。如有多派私折等弊。立即嚴叅。從重治
罪。○八年題準各省收漕州縣。除徵給隨正
耗米。并運軍行糧。月糧。本折。漕贈等項銀米
之外。別收漕耗銀米一項。河南每正糧一石。
收漕耗米一斗五升。內津貼運軍運費銀三
分米二升。其餘留為州縣兌漕襍費。山東每
正糧一石。收漕耗米一斗五升。內津貼運軍
運費銀三分米二升。又別給領運隨幫官盤
費銀六釐。其餘留為州縣幫補運米不敷脚

價之用蘇松糧道所屬每正糧一石收漕費
錢五十二文以二十七文給軍二十五文留
爲州縣修倉鋪墊飯食又外收水脚錢五文
以爲自倉挑駁上船之用江安糧道所屬每
正糧一石收漕耗米一斗內以五升給軍五
升留爲修倉鋪墊飯食之用江西每正糧一
石津貼州縣脚耗銀三分九釐六毫米七勺
六抄協濟運軍銀一分三釐七毫浙江起運
漕糧正耗之外杭嘉湖三府有鋪倉駁運等
費每正糧一石收漕費錢八文至二十一文

不等白糧每石收取置備口袋錢五十文湖
北每正糧一石收漕耗米七升漕費銀七分
湖南每正糧一石收漕耗米六升漕費銀自
五分至一錢三四分不等皆給發官軍爲一
切辦公之用此項若遽議裁革非止運軍無
以濟運勢必更啓勒索之端卽州縣修倉鋪
墊無項可動亦必借辦公名色暗派浮收轉
滋弊竇應令因時調劑無濫無苛照舊遵循
辦理○十年題準州縣遇有蠲免地丁之年
將蠲免地丁錢糧內應徵漕項每畝若干逐

細覈明別款。開入易知單內。照數徵收。○又題準各省漕耗銀米。如遇截留之年。隨正徵收。分別支解。如遇折徵之年。該督撫因時調劑徵收。以資辦公。○十六年奏準。浙省杭嘉湖三府徵收漕糧。原定漕費。每石收錢自八文。至二十一文不等。不敷辦公之用。應仿照江省之例。酌量加添。嗣後仁和。錢塘。海寧。富陽。餘杭。安吉。歸安。烏程。長興。德清。武康等十州縣。加收錢二十文。嘉興。秀水。嘉善。海鹽。平湖。石門。桐鄉等七縣。加收錢三十文。均於

原定腳費錢之外。分別加添。○以上隨漕輕齎席木板片。行月漕贈等項。山東徵銀九萬五千三百三十三兩四錢六分九釐。米四萬六千三百七十二石三斗三升六合。各有奇。○河南徵銀四萬五千八百三十九兩四錢五分八釐。米二萬三千六十九石四斗三升二合。各有奇。○江蘇徵銀四十三萬九千六百六十八兩五錢二分五釐。米十有六萬五千六百六十一石七斗五合。各有奇。○安徽徵銀二十六萬千三百三十八兩二錢一分七釐。米

十有九萬二千六百七十二石二斗五合。麥
萬九千六百八十二石八斗五升九合。豆五
百三十二石八斗五升三合。各有奇。○江西
徵銀二十一萬千二百八十五兩七錢四分
二釐。米十萬九千五百五十九石三斗八升六
合。各有奇。○浙江徵銀六十九萬五千七百
六十三兩八錢三分一釐。米四萬三千四百
二十石九斗九升。各有奇。○湖北徵銀四萬八
千八百五十八兩八錢六分三釐。米萬八千九
百二十一石二斗三升六合。各有奇。○湖南徵

銀三萬五千八百二十一兩六分一釐。米萬九
千九十九石四斗七升六合。各有奇。○以上各
省實徵隨漕銀百七十八萬三千二百六十九
兩七錢一分一釐。米六十一萬七千八百七十
六石七斗六升九合。麥萬九千六百八十二石
八斗五升九合。豆五百三十二石八斗五升三
合。各有奇。除給運弁運軍。並解通濟庫為運送
京通各倉脚價之用。餘均造入撥冊。送部酌撥
一水次六倉徵收銀米。山東德州倉徵銀六萬
六千九兩七錢五分。米二萬五千七百二十二

石七斗五合。各有奇。○臨清倉徵銀八萬三千七百二十五兩九錢二分二釐。米三千十有六石七斗三升八合。各有奇。○江南淮安倉徵銀萬三千八百八十六兩五錢一分。米二千五百七十一石五升九合。麥二萬五千百石八斗二升四合。各有奇。○徐州倉徵銀二萬一千五百十有六兩五錢六分七釐。麥萬五千六百三十九石九斗五升九合。豆四千三十七石四斗一升六合。各有奇。○鳳陽倉徵銀七萬九千八百八十七兩九錢八分七釐。米萬一千七百七十石四升

三合。麥萬三千六百四十二石八斗三升四合。各有奇。○江寧倉徵米二萬九千六百六十六石四升七合。有奇。○以上六倉實徵銀二十六萬三千六百二十六兩七錢三分六釐。米六萬九千七百七十五石五斗三升三合。麥五萬四千三百八十三石六斗一升七合。豆四千三十七石四斗一升六合。各有奇。除補給運弁運軍沿途行月等項之用。餘均造入撥冊。送部酌撥。一白糧耗米。蘇松糧道所屬。每白糧一石。加耗三斗。內五升三升。隨正米起交。交內倉通倉加耗五升交光祿

三斗升加耗二斗五升二斗七升。隨船作耗。共耗米二萬八百三十四石一斗有奇。○浙江糧道所屬。每白糧一石。加耗四斗。內五升三升。隨正米起交。三斗五升。三斗七升。隨船作耗。共耗米萬三千七百四十八石八斗五升有奇。○以上白糧。實徵耗米三萬四千五百八十二石九斗五升有奇。

一白糧經費。順治二年覆準。糧長僉解白糧。受累無窮。宜改為官解之法。凡路費脚價額派之外。不許多索民間分毫。○十二年覆準。白糧既

照舊官解。從前題請加派耗米經費。加增水手夫役名數。皆應照該督所請行。蘇松常三府白糧。除原額正米耗米舂辦米三項外。每正糧一石。加派耗米二斗四升。水脚添釐提溜脚價銀一兩三錢。每船加舵夫水手十二名。每名給米三石。看糧夫役二名。挑運夫役二名。各照船數。一例均派。總部協部公費工食。就糧米多寡。裒益酌定。足以供用。○康熙元年覆準。蘇松常三府白糧。雇運民船水脚銀。編載全書。計包給發。均從米數科算。並無別設雇船私貼之項。惟至

丁字沽每石應用雇駁銀一錢二分。今漕船可直抵通。此項應裁省解部。至於額編看船糧夫每名工食一十二兩。挑運夫每名工食七兩二錢。南北艱辛。僅充口給。亦難議減。○二年覆準。浙江白糧。應照江南之例。將丁字沽雇駁銀。每石一錢二分。照數減扣解部。○三年覆準。浙省民船運白。與漕船帶白。費用多寡截然。可按漕帶之法。亟當舉行。其協濟船。并入漕幫僉運。應支經費。行月公費。廩工等項銀米。亦應於白糧加貼經費內。照數徵給。其漕運項下

行月糧米。裁扣解部。永著為例。○十一年覆準。浙江白糧一項。從前嘉屬。每正米一石。徵糙平米一石八斗。額設夫船等費。每石銀八錢。湖屬。每正米一石。徵糙平米一石五斗五升。額設夫船等費。每石銀一兩五分。今經費銀兩。已按船一例派給。並無多寡。若耗米仍照全書徵糙。恐運軍春辦稽延。請將兩府正項白米一石。各給白耗米四斗五升。在軍。有盤駁之費。進倉之耗。在民。減徵糙米。亦可抵其春折之數。○十四年覆準。江南蘇松常等府白糧。照浙江例。分於漕

船帶運計白糧十有五萬一千餘石以每船裝米五百石約用漕船三百二艘每船原派行月照支給經費銀三百三十兩八錢六分共應給經費銀九萬九千九百十有九兩七錢有奇共節省經費等銀十有三萬一千二百六十七兩八錢米萬八百六十九石八斗有奇○又題準蘇松常等府白糧抽選漕船裝運應用三百零二船其三百二船之漕米分灑於各漕船帶運每船帶運米六十餘石米多船重每石給銀五分約算每船給銀三兩○又題準蘇松常等府

白糧選糧船裝運每船議給經費銀三百三十兩零係由開鋪墊與備辦包索添置提溜等項均係必需之款應照原議給發○十五年覆準白糧已經倉場具題河下兌放改進通倉蘇松常等府每船經費銀三百三十兩零內除交通濟庫由開銀四十兩外其餘河下兌放每船覈減銀四十二兩八錢六分改進通倉覈減銀二十二兩八錢扣存道庫報部克餉○四十三年覆準江浙二省起運白糧照依漕幫支給行月贈貼銀米將經費銀

兩概行裁減。運白各軍應領行月。仍在各幫給發。應支贈貼銀兩。均於經費銀內。照漕例支給。餘剩聽候彙解。各幫船俟五年運白之後。更換接運白糧抵通。照依漕糧一例交收。○四十九年覆準。運白軍船除行月應支米六十三石。補給米三十四石三斗。每石折銀一兩二錢。於道庫減存銀內。照數給發。○五十六年覆準。蘇松常三府白糧經費。先經民運。每船需銀七百餘兩。後於康熙十四年。照浙省例。改為漕船裝運。每船給經費銀二百

九十兩有奇。為沿途盤駁添釐提溜抵通堆囤看守。交倉鋪墊等費。又給行月銀米。以為運軍安家之費。二十七年。於奏銷案內。停其支給行月。四十二年。因停支行月。於經費之外。給飯米銀五十四兩。四十三年。以運漕運白均屬一體。將經費盡裁。照漕例支給行月。贈銀米。但浙江白糧除行月外。每石給漕截銀三錢四分七釐。飯米七升二合。江南除行月之外。每石止給贈銀一錢四分五釐。比浙江少給銀二錢二釐。應準其照浙江白糧漕截之

例。每石補給銀二錢二釐。以為沿途盤駁堆
回交倉鋪墊諸費。在道庫減存銀內支給。○
五十七年覆準。起運白糧。每石人夫工食米
七升二合。浙省見係支給蘇松常等府。均有
額編。多在民欠。應於原編七升二合。民欠未
完米內。速徵濟運。○雍正六年覆準。浙江白
糧。聽民自舂。於完漕後。別納零星升合。米色
終難純一。應照江南之例。隨漕統徵。每斗加
舂白折耗三升。該州縣雇夫。選米舂交。○八年
諭。浙省白糧。係民間舂辦。江南百姓。輸納糙米。官為舂

白。一應捆包搬運。皆屬官辦。其所有耗米。並束包人
夫工食等項。著準其開銷。欽此。○乾隆二年覆準。江
南蘇松常太四府州白糧。減額改徵漕糧。見運
白糧項下。徵收支解經費銀三萬八千三百八
十九兩一錢四分。米六萬一千一百二十三石
五斗四升。各有奇。改徵漕糧項下。徵收隨漕支
解銀二萬三千七百八兩七錢三分。米三萬八
千六十五石九斗八升。各有奇。應減徵銀二萬
七百七十七兩六錢七分。米萬九千六百五十
二石一斗七升。各有奇。永免科徵。尚餘減存經

費銀二萬九百五兩有奇。照數徵解。○又題準。浙
江杭嘉二府。額徵白糧。原編每正米一石。加耗
米四斗五升。又每正耗白米一石。外加春耗米
三斗。今白糧減改漕糧。每正米一石。止加耗四
斗。其加三春耗。按數減免。給丁耗米。減去五升。
共免春耗米。計萬五千五百六石五升。耗米。計
千七百八十二石。各有奇。一應經費。改歸漕糧
支給。每歲減徵給軍食米。折銀二千五百九十
一兩有奇。其餘經費銀。仍照白糧舊例徵收。不
準減免。至應解輕賚。楞木。松板。蘆席等銀。六千

六百四十六兩。在於應解道庫。由開銀內扣抵。
如有不敷。再於車夫款項支剩銀內動給。○以
上白糧經費銀。米。江蘇徵銀十有八萬六千九
百八十五兩八錢一分九釐。米。萬八千八百八
十九石五斗八升四合。春辦米二萬一千三百
九十九石八斗六升。各有奇。○浙江徵銀四萬
五千七十五兩一錢八分八釐。米。三千九百六
十九石。春辦米萬三千二百九十石五斗五升。
各有奇。以上實徵銀二十三萬二千六十一兩
八釐。米五萬七千五百四十八石九斗九升四

合除給各省運舟運軍。並解通濟庫為運送京
通各倉脚價之用。餘銀並米折均造入撥冊。送
部酌撥。

一轉輸薊易。康熙三十四年議準。

陵寢官兵當差人匠役及綠旗兵丁一年所需粟米共
三萬六百餘石。將山東漕糧粟米照數截留以
原船自天津衛運至新河口。自新河口撥天津
紅駁船百五十艘運至薊州五里橋。每船載百
石。每百里給脚費銀一兩三錢二分。於過閘入
倉脚價銀兩內撥給。○三十六年覆準。

陵寢官兵匠役俸餉嗣後將各省協運通州等衛所船
內選不搭運輕小之船。將一年所需米石足數
裝載。委押運官以原船運至薊州五里橋。照抵
通交兌限期。交與該管地方官。即押船速回。仍
將回空日期申倉場題報。所收正耗米數直隸
巡撫造冊報部。○又題準。

陵寢官兵匠役所需粟米。令山東河南二省分年輪運。
即以原船運送。節省脚價。其支放出倉。每石準
銷補斛遞減等米三升九合。○雍正二年題準。
令坐糧廳協同通永道驗明米色。即令地方官

收受○七年

諭

三陵俸工米。從前撥運漕糧。不敷支給。經直撫題請。將不敷之米。每石給銀一兩。令遵化薊州豐潤三州縣。採買支放。州縣委之吏胥。遂至串通折銀。私相授受。其實在運送本色者。車脚之費。不無賠墊。且領銀採買。或值米貴之時。一時難以購辦。官員兵役。未免守候時日。是折銀採買。官兵均屬未便。著總理

三陵事務官。將每年需給米石。分晰造冊咨部。戶部行知倉場。預行照數截留。於庚戌年為始。均以本色給

發欽此○八年題準。撥運薊糧。添截白粳。次白江米。三色。其支放出倉。每石準銷折耗。遞減等米一升九合○又題準。撥運薊糧。令千總及正軍。赴次交兌。守取倉收。隨幫及副軍。押空回南○又議準。撥運薊糧。自天津雇募駁船。每船量給銀八兩。於坐糧廳茶果銀內動給○乾隆元年題準。易州

泰陵駐防官役。歲需俸餉米。準於天津地方截留漕糧。由白溝河轉運供支○又題準。交兌易州漕米。各船封貯樣米。呈送

陵部驗明由坐糧廳及該管道委員監收○二年題準
泰陵鎮兵餉截撥漕米支給其撥運事宜悉照駐防官
役之例○四年題準易州糧船經由之苑家口
永濟橋看橋地方二名每名年給工食銀六兩在
坐糧廳茶果項下動給○又奏準截撥薊糧州
縣收受如有晒颺撞斛撒漫及令運軍津貼車
脚費銀之弊即行指叅運軍如有攙和糠土一
并叅處○又議準薊糧到次例限七日交清如
遇天雨連綿不能裝運許州縣按日計算接扣
七日○八年奏準直隸古北口外墾地日廣產

米日多於豐收之年廣為採買以四萬七千餘
石運赴薊遵等倉以供

陵糶餘皆運通其山東河南二省應運薊糧照舊運通
倉備用如價貴停買仍令二省運送

陵糶○又奏準撥運易糧漕船自天津至雄縣亞谷橋
於每年糧船將到之前預行探明淤淺處所及
時挑濬如水小船重酌量起駁每船酌增駁價
一兩○以上轉輸薊易漕白二糧以乾隆十四
年奏銷冊計之薊州截留粟米四萬四千八百
石粳米二千七十石白糧千三百十有五石易

州粟米四千七百五十九石稜米萬三千三百六十四石粳米千六十四石白糧四百五十石各有奇。

一截撥兵米。雍正六年題準。滄州駐防兵米。若秋冬截漕。春夏採買。恐價有不敷。轉致遲延。請照舊例。每歲截撥江西漕米七千石。以三千五百石作本年秋冬二季之需。以三千五百石作次年春夏二季之用。○八年議準。天津水師營兵米。每歲截撥漕糧萬五千石。每石每月。準銷遞減米二合。計一年減米三百六十石。於正

項內開除。○又題準。撥兌天津滄薊各米。照通倉之例。限七日內。交收清楚。○乾隆元年題準。天津添建倉廩。截撥兵米。將隨漕席木板片。隨糧交納。○二年題準。截撥天津漕米。將預備正兌晒颺米四升七合。改兌晒颺米四升八合一體。交倉簡廉幹道府官。赴倉監收。抽驗晒颺。覈算折耗外。餘剩晒颺米。皆作正數。按照年月遞減。此外再有虧缺。叅追究治。○三年奏準。截撥天津漕米。向例每百石。運軍加耗米一石。嗣後免其交納。○又奏準。截撥天津水師營並易州

漕米停止晒颺。照北倉之例抽掣辦理。如有勒索等弊。即行題叅。○五年題準。漕糧截撥滄州。天津及薊易等處。較之抵通費用減省。將原備三升八合飯米內。運易船糧每石。給運軍一升。運薊船糧每石。給運軍一升九合。照抵通例。給與價值。以濟回空。其餘剩之米。仍令交倉。至截撥天津滄州等處。原備三升八合飯米。責令一并交倉。作正支銷。○六年題準。截撥滄州漕米。令承收之官。同旗員驗看。如係好米。即行收受。毋許遲滯留難。倘有攙和糠土者。承收官及旗

員。詳報委官驗實。照例報叅。並將攙和米色。面同運官。裝袋印封。隨文呈驗。其折耗之米。於運軍回空食米內。賠補。或不足數。別於後幫截補所欠之米。咨南著追。次年搭運赴通。如並無攙和。將呈報不實之官。以有意勒索叅處。○八年題準。通倉撥運天津兵米。雇募民船。駁價照直隸各屬領米之例。每石每百里。陸路給銀一錢。水路給銀一分五釐。○以上截撥兵米。以乾隆十四年奏銷冊計之。滄州稔米萬一千七百十有九石。天津粟米八千五百五十石。稔米

萬二千百五十石。粳米二萬四千三百石。各有奇。

一截留事例。康熙三十三年題準。截留武清永平等處。每石收耗米一斗八升三合九勺四杪。○又題準。直隸永平等處。截留漕糧。每石耗米。俱以一斗八升三合九勺四杪。作正兌收。○三十三年題準。江西湖廣漕糧。截留江南山東等處。每石耗米。均以二斗五升。作正兌收。○四十年題準。江南山東。截留漕米。出入交收。準其每石加耗米三升。○五十八年題準。江西湖

廣漕糧。截留江南安慶等處。將加四耗米。全數作正兌收。○六十年題準。江西糧米。截留直隸大名等處。照三十八年之例。每石以二斗五升。作正兌收。應交席木板片。行文扣追。應給薑羨紅駁等銀。停其支給。○雍正三年題準。截留漕糧。仍照舊例。正兌以加二五。改兌以加一七。耗米作正兌收。○又題準。江西糧米。截留直隸保定等處。每紅斛米一石。給耗米一斗。其平斛米。每石原有耗米二斗五升。均令運通交倉。所有水腳計運遠近給發。○六年題準。江西截留漕

米十萬石存貯本省備用出入盤量請照江南旋收旋糶之例每石準其加耗三升於截漕贈軍耗米內扣抵其糶過米價銀存貯司庫俟秋收照數買補還倉○七年咨準天津水師營截留漕米照薊滄之例每正兌正米一石外加耗米七升尖米四升二合尖耗米二合九勺四杪又新耗米六升九合改兌正米一石外加耗米四升尖米四升二合尖耗米一合六勺八杪又新耗米四升四合折正兌交○九年題準截留天津北倉漕米四十萬石從前截收之時未有

正兌耗米及晒颺入倉準照天津水師營截留漕糧之例每月每石遞減米二合一一年統計共減耗米九千六百石○又題準天津截留漕糧每百石給地方官耗米一升以作折耗○又題準湖廣江西截留山東漕米除耗米二五一七作正截留外將所餘盤耗米按程計算折耗給還運軍其餘作正截留○又議準截留直隸山東河南備振漕米務須隨到隨收不得稽遲時日致悞回空其一切水陸運價及苫蓋露囤等費俱動用公項錢糧○十二年題準截留山東

漕糧每石除原給加耗一升外。每月每石仍準
遞減米二合。至一年後。再有虧折。令各官照數
賠補。○乾隆元年題準。各省截留漕船。介於起
運停運之間。行糧月糧。應給應追。向未定有成
例。應酌定成規。以歸畫一。嗣後江蘇安徽浙江
截留漕船。應支本折月糧三修銀。準其照數全
給。至行糧盤耗。贈銀負重等項。各隨多寡。分作
十分。自水次抵通。按程途遠近。亦作十分計算。
行一分程途。給一分銀米。如行一兩站未及一
分者。即按一兩站扣算。支給贈米一項。如米到

州縣半月收清者。按已行之程。扣給其未行之
程。追繳。半月以外。每石給米一升。滿一月者。給
米二升。滿二月者。給米四升。滿三月全給。若幫
船截留。本次。或旋兌旋卸。或數月後收清。贈米
亦按月計算。江西漕船較大。裝米數多。每年額
領三修銀不敷。取辦於行月。兼之水次開行。逐
節淺阻。起駁。長江守風。過淮修艙。一應費用。較
江浙不同。遇有截留。將原領折耗行月。贈銀贈
米。斛面米。均免扣追。又每米一石。徵耗米四斗。
為交通倉及沿途折耗之費。副耗米一斗三升。

為水次開行抵淮折耗。如在淮安以南截留者。將四耗米令其隨正交納。一三副米。免其追繳。如過淮截留者。將四耗米內正兌米隨交二斗五升。改兌米隨交一斗七升。并每石別交一升。贈米外。其餘米按由淮到通程途。作為十分計算。行一分程途。即給一分耗米。湖北。湖南。漕船。灣泊岳州府。濱臨洞庭風波不測。截留漕船。於例給一半月糧之外。每船酌留頭舵水手四名。防護。每名日給口糧一升。減去水手人等。每名。每站給盤費銀三分。米一升。均照時價折給。○

二年

諭各省截留漕船。例有應追銀米。但念運軍近年以來。尚屬急公効力。其從前挂欠之項。事隔數年。此時責令完補。未免艱難。著漕運總督詳悉覈明。將雍正十二年以前。各省截留漕船。應追行糧。漕贈盤耗等項。除已完外。其未完者。一概寬免。欽此。○

又奏準。山東截留漕船。應支三修月糧。及任城幫贍運銀。準其照舊支給。其本折行糧。及潤耗銀。各按多寡。均作十分。水次抵通程途。亦作十分計算。行一分程途。準銷一分銀米。如行未及

一分者按程扣算支給潤耗米五升。即如江南之五米。嗣後米到截留州縣。半月內收清者。按已行之程扣給。其未行之程追繳。如過半月。給米一升。滿一月者。給米二升。滿二月者。給米四升。滿三月者。全給。其截留在本次者。雖船未開行。而糧已裝載。與中途截留者。折耗相同。潤耗米亦按月支給。河南漕船。皆係別省協運。除不議三修外。倘遇截留之年。月糧一項。全數支給。如船雖抵次。尚未裝載者。河南亦毋庸議。給至潤耗行糧銀米。各隨多寡。計作十分。其程途亦

作十分計算。行一分程途。給一分銀米。如行一兩站未及一分者。即按站支給。官役俸工亦照額支給。如本船開行已及十數站。奉文截留。仍回原次交卸者。往返程途。皆照重運程途計算。將所領前項銀米。按程扣給。其不足十分程途之數。按程計追。潤耗米一項。亦照東省例支給。至盤駁銀。截留船糧已抵臨清者。全數支給。如未抵臨清。將所領盤駁銀。作為十分。自衛輝水次至臨清。亦作十分程途。扣算計給。○四年題。準湖南湖北運軍所領錢糧。比別省較少。截留

漕船所領三修行月二耗并州縣津貼京脚銀米均免扣追。惟所領四斗耗米視其船未出境在本省截留者均令隨正交收若已出境者內一五耗米按已行未行程途分別追給。○五年題準各省截留漕船有到次尚未受兌及已兌未開行者原議未經議及作何支給錢糧嗣後未兌之船照停運例給與減半月糧已兌未開之船於減半月糧之外將三修一項照數全給各省畫一辦理。○六年題準各省漕船截留北倉少給餘米折耗等項與抵通應交茶果個兒

錢費用足以相抵但船截北倉較之抵通少行程途約三百里可省人工飯食駁淺雜費應將領過行糧漕贈盤耗銀米一例按照程途扣追其截留滄州船糧比北倉尤近天津水師營船糧與北倉僅遠數十里亦應按程分別扣追惟運薊軍船由天津海口入薊綿長九百餘里又運易軍船自天津抵次水程三百餘里領過銀米一概免其追繳再各省凡遇截留如已兌開行之船所領一半月糧同行糧等項應勻作十分計算一并照例按程扣追。○七年議準各省

截留漕船已允開行。按照定例扣追。運軍多有苦累。應酌量加給。使軍力寬裕。按各軍在次。費用需銀。並無需米之處。今分別程途遠近。船糧多寡。山東河南每船酌給銀五十兩。江南浙江每船酌給銀六十兩。江西湖廣程途均遠。於江浙江西裝載正糧。每船又較湖廣多至二三百石。湖廣每船酌給銀七十兩。江西每船酌給銀九十兩。以敷各軍在次修船置備什物及雇募舵頭水手安家養贍之用。其應給之銀。即於行月折色銀內扣給。所有存剩行月等項銀米。山

東河南江南浙江仍照舊按程分別追給。再江廣二省程途遙遠。兼涉長江大湖。非他省可比。其未經過江以前截留者。除在次酌量給銀外。其餘剩銀米一體按程途分別追給。如已過長江尚未渡河截留者。應給與四分之三。至渡江已北至臨德等處截留者。將各項銀米照抵通例。準其全給。○八年題準。湖南截撥廣東漕米。每石加耗米三合。於截漕減存里納二耗米內。允給。○九年題準。江西截撥湖南漕糧。每石準折耗米四合。江浙二省截撥福建漕糧。每石加

耗米五合○又題準截留平糶所賣錢文係漕
項錢糧或易銀解部或搭放兵餉將原給款項
扣解以抵留漕價值

